

Schneewyttli und die siebe Zwärgli

© 2005 Musik/Text: Roland Zoss

Instrumentiert und arrangiert für Kammerorchester von Rolf Wüthrich

Aus der CD «Liedermärli 3» erschienen bei Sound Service

www.rolandzoss.com

Liedlänge: 23' 10

13 Figuren: 7 Zwerge, Schneewyttli, Jäger, Königin, Prinz, deutscher Spiegel und Erzähler.

Singtipp zum Playback: Die Strophen sind in einem ternären Gefühl zu singen!

Die diversen Melodien sind farbig gekennzeichnet:

A-Teil) C-G-am-G-F-C-G-C

(In den Varianten: a1 = ruhig, ••a2 zauberhaft, •••a3 dunkel; keine Angabe = a1)

B1-Teil) am-em-F-C / C-G

B2-Teil) am-em-F-C-- / am-em-F-C--dm--F-G- (Hochdeutsch gesprochen)

C-Teil) C-G-am-G (Haushalt-Refrain, Kinderchor)

D-Teil) Zwärgli-Kinderchor: C-G-G7-C--am>em>F-G-C

E-Teil) Instrumental dem Erzählteil unterlegt (Melodie im 3/4 Takt auf D)

F-Teil) Ausklang, 2-strophiges Zwärglied: F-C-B-C-F-am-B-C // F-C-B-C-F

Δ = Kinderstimmen

Kursivschrift = gesprochene Teile

• Intro, Erzähler:

Es isch e mal zmitts im Winter gsy. D Schneeflocke sie wie Fädere vom Himmel abe gschwäbt. Da isch a Chünigin am ihrem Fenster mit em ne Rahme us schwarzem Äbeholz gsässe u het usegluegt.

U wie sie so bym Näije a öppisem umestudiert, sticht sie sech i Finger. Drü Blutströpfli sy i Schnee gheit. U wüll ds Rot im wysse Schnee so schön usgseh het, dänkt d Chünigin:

«Wenn i doch nume es Ching hätt, eis so wyss wie Schnee, mit Lippe rot wie Bluet u Haar, schwarz wie ds Holz a mym Fänsterrahme!»

Gly druufabe het sie es Meitli überchoo, das het e Hutt gha wyss wie Schnee, Lippe rot wie Bluet, u ds Haar so schwarz wie Äbeholz. Drum het sie ihm Schneewyttli gseit. U wo ds Schneewyttli geboren isch gsy – isch d Chünigin gstorbe!

Im Jahr druf het der Chünig e nöiji Frou gno. Momou, e Schöni isch si gsy - aber e stolzi u ne hoffärtegi derzue! U vor allem het sie's nid möge verputze, we öpper anders schöner isch gsy als si. U drum – das chöit der nech sicher vorstelle – het s Schneewyttli vo däm Tag a, wo d Stieffmuetter als Chünigin i ds Schloss isch cho, e ganz e schwäri Zyt gha... •

**A-Teil 1) S isch emal es Meitli gsy
mit ere Huut so wyss wie Schnee
Lippe, dunkelrot wie Bluet
wie mes im Land no nie het gseh**

**2) (••a2) Ds Haar ganz schwarz wie Äbenholz
zöpflets jede Morgen uuf
höch oben i sym Vatters Schloss
u schüttlet syni Sorge uus**

**3) Wüll d Stiefmuetter-Chünigin
isch nydisch uf sy Schönheit gsy
Sie redt mit ihrem Spiegel ging
u wett die Allerschönsti sy**

**B1: «Spiegel, Spiegel wo hangsch a der Wand
Wär isch die Schönsti im ganze Land?»**

**B2: «Ihr, Frau Königin, seid die Schönste im Land,
doch Schneewittchen ist tausendmal -tausendmal -tausendmal schöner als
ihr!»**

**4) (•••a3) D Chünigin isch gälb aagloff
d Wahrheit, die tuet ere weh
der Nyd im Härz isch wie Gjätt ufgschosse
we sie ds Schneewittli het gseh!**

**5) Sie rüeft em ne Jegersmaa u macht:
«Nimm mer das Gschöpf us den Ouge,
tues töde-n im Wald - bring mer z Härz hei zum Znacht
Ersch wen is ggässe ha, chan is der gloube!»**

**6) Jitz muess es gränne, das arme
der Jeger, dä het erbarme:
I lah di la läbe, la di la springe
im Wald wird di niemer me finde!**

**7) Da isch es wytter u wytter gloffe
dür Büsch u dür Böim mutterseeleneilei
der Jeger het no ne Rehbock gschosse
das Härz bringt er ar Stiefmuetter hei**

**8) (••a2) Scho wott d Sunne-n underga, da
gseht ds Schneewyttli es Hüsl
alls isch so härzig u schön häregleit
`s heimelet ihns ganz grüüsli**

**9) Dinne isch deckt mit Täller u Bsteck
siebe Tassli voll Wy, dervo schnouset's chly
Ar Wand sieben Bettli vo Gross bys Chly
Im letschte schlafts u tröimt derby:**

Δ C) Hushaltigs-Refrain

**Choche, wäsche, Suppe mache,
im Bachofe Brötfli bache
Putze, lisme, Socke stopfe,
und am Morge d Bettli chlopfe!**

D) C-G-G7-C--am>em>F-G-C

**Myr sy die siebe Zwärgli
hinger de siebe Bärgli
mit Pickel und Latärne
grabe nach Guld u Stärne
mit Pickel und Latärne
grabe nach Guld u Stärne △**

Zwärgli-Sprüch: 3x F-C, Ausklang, am-G-C:

(Musik unterlegt, gesprochen). Da geit uf zmal d Türe uf - i yne chöme die siebe Zwärgli. Sie lüchte mit de Latärnli desume, ganz gluschtig uf ihres Znacht. Da gseh sie das Gnusch, u das öpper muess hie gsy si. U eis nach em andere rüeft uus:

6x F-C, Ausklang: am-G-C:

Ds 1. Zwärgli seit:

△- Gopf Himmel-Latärne!: Wär isch uf mym Stüehli gsässe?

Ds 2. Zwärgli seit:

- Potztuusig abenand! Wär het vo mym Tällerli gschnouset?

Ds 3. Zwärgli seit:

-Du heiligs Ofenrohr! Wär het vom mym Brötfli gstibizt?

Ds 4. Zwärgli seit:

-O du schlampigs Ankebluemli! Wär het vo mym Gmüses probiert?

Ds 5. Zwärgli seit:

By de siebe Bärge! Wär het jitz mit mym Gäbeli gstoche?

Ds 6. Zwärgli seit:

Bym Tüüfels-Flöigepilz! Wär het mit mym Mässerli gschnitte?

U ds 7. Zwärgli seit:

Bym Bart vo mym Grosi! Wär het us mym Bächerli trunke? △

E-Teil (1. */ 2.** /3.** Durchgang) dem Erzählteil unterlegte Musik, 3/4

Takt, D-Dur)

* U jitze gseht ds 1. Zwärgli, dass i sym Bett es Dueli het. De isch na dis na eis nach em andere cho z trabe. Sie hei ihri Liechtli greicht und ufgregt dürenand düre palaveret:

△ «I mym Bettli isch öpper gläge!»

«Mys Chüssi ja isch ganz vernüelet! »

«Gopf,_my Zipfelchappe lygt am Bode!»△

Wo aber ds 7. Zwärgli zu sym Bettli chunnt, gsehts drinn ds Schneewittly liege u schlafe.

**** Vor Chlupf hätt's fasch grediuse göisset. Es winkt die andere häre.**

U jitze sy sie eis nach em andere necher cho u hei mit ihrne Latärnli die frömdi Person aaglüchtet!

△«Bhüet is nei!» △ (alle zusammen!)

*** *Sie hei so Fröid gha am Schneewyttli, dass sie uf Zäijespitze dervo
düsselet sy, fürs ja nid z störe. Schliesslech sy o sie müed worde u sie sy
ga schlafe!*

Gesprochen ohne Musik:

*Am nächste Morgen isch ds Schneewittly schön erchlüpft, wo nes so siebe
Bärtli-Zwärgli gseht um ihns ume stah. Aber die sy ganz fründlechi gsy u
hei gfragt:*

Δ «Wie heissisch du?»

Δ «I heisse Schneewyttli!» het es zur Antwort gäh.

Δ «U wie bisch du i üses Hüslig cho?» hei sie wytter gfragt.

*Da het ds Schneewittly verzellt, dass syni Stiefmuetter s heig wölle töde.
Dass der Jeger ihns aber heig am Läbe glah. U wies der ganz Tag
bluttfuess sig düre dä Wald gloffe, bis es ändlech ändlech zum Zwärge-
Hüslig sig cho.*

Jitze hei die Zwärge enang läng aagluegt u der allerilängscht Zwärg seit:

**Δ «Abaa! Du chasch gärn bi üüs blybe! Darfsch aber ja niemer i ds Huus yne
la, gäll! Wüll d Stiefmuetter, die wird sicher gly usegfunde ha, dass de hie
bisch. Moumou, hilf du üs e chly ir Husaltig. Öpper wie di, chöi so Zwärge
wie mir guet bruuche!» Δ**

Sie hei ds Schneewyttli i ihri Mitte gno, u sy übermüetig drum-ume tanzet:

C) Hushaltigs-Refrain:

**Δ Choche, wäsche, Suppe mache,
im Bachofe Brötli bache
Putze, lisme, Socke stopfe,
und am Morge d Bettli chlopfe!**

**D) Myr sy die siebe Zwärgli
hinger de siebe Bärgli
mit Pickel und Latärne
grabe nach Guld u Stärne
mit Pickel und Latärne
grabe nach Guld u Stärne Δ**

Gesprochen ohne Musik:

*Sider het d Stiefmuetter im Schloss ds Härz vom Reh gässe gha. U sie
meint, sie sigi jitz ändlech die Allerschönsti. Also isch sie zu ihrem Spiegel
ggange u het ne gfragt:*

**B1: «Spiegel, Spiegel, wo hangsch a der Wand
wär isch die Schönsti im ganze Land?»**

**B2) «Ihr, Frau Königin, seid die Schönste im Land,
doch Schneewittchen hinter den 7 Bergen
bei den 7 Zwergen ist tausendmal schöner als ihr!»**

E-Teil) instrumental dem Erzählteil unterlegt (Musik dissonant auf D)

*Da het es der Chünigin e Stich gäh i d Bruscht! Wüll sie het gwüssst, dass
der*

**Spiegel d Wahrheit seit **(Musikstart) - u dass sie nid die Schönsti isch!
Sie het o gmerkt, dass se der Jeger äuä bschisse het u ds Schnewittli no
am Läben isch.*

*U sie het sech halb hintersunne, wie sie das schöne Chind chönnti
umbringe!*

**10) Aagleit wie-n-e Märitfrou
geit sie über alli Bärge
am Arm e Chorb vo Sachen
Scho chlopfts bi de siebe Zwärge!**

**11) (••a2) «Ds Schneewyttli dänkt sech nüüt derby:
«Dir chömet äua wytt här z loufe?»
S tuet d Tür uuf - ladt die Chrämere y:
«Was heit der da zum Verchoufe?»**

**12) «So Gürt u sydegi Bänder,
Ching bys nid schüüch, nimm öppis, lue!»
Scho bindet sie - em Schneewyttli
e Gurt um d Hüft u zieht fescht zue!**

**13) Ds Schneewyttli tuet ke Schnuuf, ke Schrei
gheit um wie tot, ir Türe vom Huus
Ersch z Nacht wos d Zwärge grettet hei
schlaats syni blauen Augen uuf**

**14) (•••a3) Im Schloss die Bösi het ds Goudi
stellt sech stolz vor e Spiegel hi
strychelet ihre Moudi u lacht
über ds «arme Schneewyttli»!
B1: «Spiegel, Spiegel, wo hangsch a der Wand
Wär isch die Schönsti im ganze Land?»
B2: «Ihr, Frau Königin, seid die Schönste im Land,
doch Schneewittchen hinter den 7 Bergen
bei den 7 Zwergen ist tausendmal schöner als ihr!»**

**15) (•••a3) Jitze wird sie bleich wie Chäs
bängglet ihri Chatz dürs Zimmer
Grüblet a re nöije Häxekunscht
für d «Schneewytte» z verrume für immer**

**16) Aagleit wie-n es Hutzelyb
louft sie über alli Bärge
Doch ds Schneewyttli, es trout ere nid
s dänkt a die siebe Zwärge**

**17) (••a2) Jitz Spienzlet das Wyb sy Zoubersträhli
ds Schneewyttli dänkt nümm as Verbot
laht sech la strähle - ds Gift würkt schnäll
die Alti lacht: «Wie schön bisch tot!»**

**18) Ds Aabe spät sy d Zwärgli cho
gsehn-ihns liege u fackle nid lang
hei-n-ihm der Giftsträhli zum Haar us gno
Da isch's wieder zue sech cho!**

19) D Chünigin isch glücklech gsy!
Sie steit vor em Spiegel im Schloss früscht gschminkt
summet es Liedli vor sech hi
u d Sunne im Spiegel blinkt

B1: «Spiegel, Spiegel, wo hangsch a der Wand

Wär isch die Schönsti im ganze Land?»

B2 : «Ihr, Frau Königin, ihr seid die Schönste im Land,
doch Schneewittchen hinter den 7 Bergen
bei den 7 Zwergen ist tausendmal schöner als ihr!»

20) (•••a3) Wo sie versteit, was der Spiegel re seit
schrysst sie vor Töibi e Schranz i ds Chleid
Bääget: «D Schneewittle muess stärbe!
Äs oder i lyge morn i der Ärde!»

21) Wieder schlycht sie verkleidet zum Huus (gesprochen)
s Schneewittli - liegt grad zum Fänster uus:
«**O gueti Frou, dir chömet vergäbe**
Göht! - süsch muess is de Zwärge säge!»

22) «Bhüet di Ching, das isch nüüt als rächt
dänk vo-re-n alte Frou nume schlächt
`s wird scho no anderi Meitschi gäh,
wo gärn so ne-n Öpfel näh!»

23) (••a2) Scho het sie dä - Öpfel halbiert
bysst dry, gyt d Hälfti em Schneewyttli
un-äs chuum het es e Bitz probiert,
gheit um wie der Blitz, u tot ischs gsy

24) Jitz springt die Alti wie nes Reh zrügg zum Schloss (gesprochen)
louft grediwags uuf e Spiegel zue,
u das won er ihre zur Antwort seit
gyt däm nydische Härz ändlech, ändlech Rueh
B1: «Spiegel, Spiegel, wo hangsch a der Wand

Wär isch die Schönsti im ganze Land?»

B2 : «Ihr, Frau Königin - IHR seid die Schönste im Land!!»

E-Teil: Instrumental im Erzählteil unterlegt in D, 3 Durchgäng+ Takt 1 & 2 gesprochen:

Am Abe sy d Zwärgli hei cho, u hei ds Schneewyttli am Bode gseh lyge. O weh - es het nümm gschnuufet.

Sie hei's ufglüpt, hei's gschüttlet, hei syni Haar dürwühlet, hei's gwäsche mit Wasser u Wy: aber alls het nüüt gnützt. Ds Schneewyttli isch tot gsy u tot blybe.

***** Jitz hei sie's uf ne Bahre gleit, sy drum ume ghocket u hei lutt grännet. Drei Tag lang wie's der Bruuch wott.**

U wo sie nach dreine Tag ds Schneewyttli hei wölle begrabe, hets ging no früscht usgseh u wie läbig schöni roti Backen gha.

*** *Eso chöi mers doch nid i die schwarzi Ärde versänke!» hei sie gmurmlet. U sie hei ne durchsichtige Sarg la mache, ganz us Glas... U druuf hei sie mit grosse guldige Buechstabe gschrybe: «Schneewyttli , e Chünigstochter!»*

****De hei sie der Sarg uf d Achsle gno - u ne uf e höchst Bärg ufe treit Musikschluss nach dem Erzählttext!:*

C) Hushaltigs-Refrain (Requiem):

Δ 's tuet nümm... choche, wäsche, Suppe mache,
im Bachofe Brötli bache
Putze, lisme, Socke stopfe,
und am Morge d Bettli chlopfe!

D) Mir si die siebe Zwärgli
hinger de siebe Bärgli
u sy so schampar truurig
ds Schneewyttli fählt üs schuurig!
u sy so schampar truurig
ds Schneewyttli fählt üs schuurig! Δ

Gesprochen ohne Musik:

U vo jitz a isch immer eis vo de Zwärgli näbem Sarg us Glas uf em Bärg oben gsässe u het ds Schneewyttli bewacht. U d Tier vom Wald si o cho, u hei um ds Schnewyttli ggrännet: Zersch en Üle, de ne Raab u zletscht es Tüбли!

25) gesprochen mit Musik unterlegt

*Ds Schneewyttli isch im Sarg in gläge
mit syre Huut so wyss wie Schnee,
syne Lippe dunkelrot wie Bluet
wie mes im Land no nie het gseh*

26) Nach vielne Jahr u lange Zytte (27,28,29 & 31 Prinz-Oboe spielt)
chunnt e Chünigssuhn cho z rytte
lyst die Schrift am Sarg us Glas
u fragt: «Was weit der ha für das?»

27) Aber d Zwärgli schüttle d Chöpf:
«Ds Schneewyttli git me nid für Gäld
Was wäre mir doch für arm Tröpf
äs wo-n-is ds Liebschte isch vor Wält!»

28) Der Chünigssuhn seit: «Mir geits glych
i gäb mys Schwärt, mys Ross, mys Riich
we das ds Schneewyttli läbig miech
u-n i dörft für immer bin-ihm sy!»

29) Jitze gäh die Zwärgen na (keine Oboe)
der Sarg isch schwär - sie stoggle
Der Öpfel, wos im Hals het gha,
spickts furt, der Sarg tätscht z Bode!

30) E töife Schnuuf, ei Fröideschrei
ds Schneewyttli - wyss wie Schnee - steit uuf
der Prinz lüpfts ufen uf sys Ross
zur Hochzyt hei i ds Schloss

C) Hushaltigs-Refrain:

Δ` s mues nümm...
Choche, wäsche, Suppe mache,
im Bachofe Brötli bache
Putze, lisme, Socke stopfe,
und am Morge d Bettli chlopfe!
Myr sy die siebe Zwärgli
hinger de siebe Bärgli
mit Pickel und Latärne
grabe nach Guld u Stärne
mit Pickel und Latärne
grabe nach Guld u Stärne Δ

Ausklang erzählt, ohne Musik:

Zum Hochzytsfest uf em Schloss si alli 7 Zwärgli yglade gsy und o em
Schneewyttli sy Stiefmuetter. Si het aber nüüt gaahnet. Sie leit ihri
schönste Chleider a, steit wie ging vor e Spiegel, u seit:

B1: «Spiegel, Spiegel wo hangsch a der Wand
wär isch die Schönsti im ganze Land?»

B2: «Ihr, Frau Königin, ihr seid die Schönste im Land,
doch die junge Königin - sie ist tausendmal, tausendmal schöner als ihr!»

«Himmel-Drache-Plütter!»

Sie e Fluech losbla, dass em Schlosshung vor Angst hei d Zäng gklapperet.
E Zyt lang het sie no gwärweisset, öb sie wölli a die Hochzyt gah.
(* E-Teil, Walzer-Musik in D setzt ein) Aber der Gwunder isch stercher**
gsy. Sie het die jungi Chünigin wölle ga luege!
U wie nes eso geit: wo sie i dä Schlossaal yne chunnt u dert ds
Schneewyttli gseht, isch sie vor Angst wie aagwachseblybe stah! Scho het
me ysege Pantoffle, wo hei glüejt vom Füür, mit Zangene ynetreit.
Momou, u die rot-glüejige Schueh het si müesse aalege u solang drinn
tanze, bis sie tot isch umgheit!

Gesprochen ohne Musik:

U die siebe Zwärgli? Die sy hei zottlet über die sieben Bärge. U eis devo, i
säge nech nid weles, het es Liedli gsunge:

F-Teil: Ausklang-Zwärgelied: (1 Zwerqli singt)

Δ D Stiefmuetter, die bösi bösi Täsche
het müesse tanze i de Schueh so heiss wie Füür
verbrägelt isch sie jitz zu nüüt als Äsche
bestraft für ihri schlimme Aabetüür!

F-Teil: Ausklang-Zwärgelied: (alle 7 Zwerqli singen)

D Stiefmuetter, die bösi bösi Täsche
het müesse tanze i de Schueh so heiss wie Füür
verbrägelt isch sie jitz zu nüüt als Äsche
bestraft für ihri schlimme Aabetüür!
Doch ds Schneewyttli, wo sie het nütt als plaaget
es isch glücklech - u sym Chünig lieb und tüür! **Δ**

• **Outro, Erzähler:**

Sooli - das wär d Gschicht gsy vom «Schneewyttli u de siebe Zwärgli». E längi, aber e ganz e bsungers schöni Gschicht! We ds Schneewyttli u sy Prinz no nid gstorbe sy, de läbe sie no hütt zäme im Chünigs-Schloss. U wüsst der was? We-n-äs Geburtstag het - töpperlets mängisch ganz lysli a d Türe: de chöme die siebe Zwärgli z Bsuech. U dusse vor em Schloss gygelet ds Himmelgüegeli-Orchester e himmlisch schöni Melodie!

Schlussmelodie: 1x A-Teil!

ENDE